

ISMET SARAJLIĆ

Poštovani predsjedavajući, kolege sve vas uredno pozdravljam. Moja inicijativa se odnosi prema Ministarstvu za nauku, obrazovanje, kulturu i sport, a sastoji se od sljedećeg. Ovom inicijativom ja želim da se svi klubovi, amaterski klubovi, koji učestvuju u regionalnoj ligi koja uključuje najmanje 3 zemlje u okruženju dodatno finansiraju sa godišnje po učešću u ligi sa 50 hiljada KM. U ovom trenutku ja mislim da jedini klub koji učestvuje u regionalnoj ligi koja ... od koje zadovoljava te uslove amaterske Ragbi klub Čelik koji pronosi ime kantona i ime grada Zenice širom zemalja u okruženju. Ova liga je nekad brojala i 8 država, uključujući i Mađarsku, Bugarsku. Trenutno je Srbija, Hrvatska, Bosna i Hercegovina i Slovenija. To su kolektivni sportovi koji jako puno zahtjevaju prilikom putovanja, a output kom ... koji ima ovaj kanton i grad je nemjerljiv obzirom da možda u Bosni i Hercegovini ragbi nije toliko popularan, ali je popularan vani i na takav način ovaj klub sigurno promoviše ime grada Zenice i regije, u ovom slučaju Zeničko-dobojskog kantona. Ja ću vas podsjetiti samo da je taj klub recimo koji trenutno zadovoljava te uslove, naravno da možda će ih biti još više, hvala bogu da bude, 8 puta bio prvak bivše Jugoslavije, 6 puta osvajao kup bivše Jugoslavije. Sad je bio prvak ragbi, regionalne ragbi lige, koja obuhvata sve zemlje bivše Jugoslavije. Prvaci dugogodišnji i jedini u Bosni i Hercegovini i u kategoriji juniora i kadeta i generalno su osnova ragbija u Bosni i Hercegovini i sklanjaju nam ovu djecu sa ulice. Mislim da to za budžet neće biti puno s obzirom da je jedini klub koji trenutno zadovoljava takve uslove, da je malo zanemaren. Ja znam da Ministarstvo s vremena na vrijeme pomogne i ja im zahvaljujem na tome, međutim opet ponavljam šta ovaj kanton u smislu promocije ima kroz ovaj klub, mislim da to ne bi bilo puno i da je inicijativa ostvarljiva s obzirom da su oni trenutno jedini koji ostvaruju ove uslove. Hvala lijepo.